

CHRIST, ANDIKEM KE KPUKPRU N̄KPỌ

N̄wed Mbon Colossae 1:9-29; 2:8-19.

ỌYỌHỌ UKPEP-N̄KPỌ 410

Eke Ikpọ Owo

IKỌ IBUOT: “Ofuri uyọhọ Abasi ke oduduñ enye ke idem” (N̄wed Mbon Colossae 2:9).

I Ima Emi Enyenede Enọ Mbon Colossae

Nditọ ete ke Rome ekop inemesit ke abañā eti editọñọ ufọk-Abasi ke Colossae, N̄wed Mbon Colossae 1:3, 4.

Mmọ ebọñ akam ebañā n̄kọri utom Spirit do; N̄wed Mbon Colossae 1:9-11; John 17:9, 15-23; N̄wed Mbon Ephesus 1:16, 17.

Paul eti Mbon Colossae ete ke erifak nsio ke idiọk-n̄kpọ ye erikan eto ke iyip ufak Christ, N̄wed Mbon Colossae 1:13, 14; N̄wed Mbon Rome 3:24, 25; Titus 2:14; Mme Hebrew 9:12; Eriyarare 5:9.

II Etọp Christ Nte Abasi Mbemiso Emanā Esie

Christ edi Mbiet Abasi, N̄wed Mbon Colossae 1:15; 2:9; John 14:9; Mme Hebrew 1:3.

Christ edi andibot ye andimum kpukpru n̄kpọ n̄kama, se ekutde ye se owo mikwe ke enyin, N̄wed Mbon Colossae 1:16, 17; John 1:3, 4; Mme Hebrew 1:2, 3.

Christ edi Ibuot Ufọk-Abasi, ye akpa mbuñwum ke otu mme akpa mkpa, N̄wed Mbon Colossae 1:18, 19; 1 N̄wed Corinth 15:20; N̄wed Mbon Ephesus 1:22.

III Christ, Anditọñọ Erifak Owo

Ifure ye erinam emem oto ke Iyip Ufak, N̄wed Mbon Colossae 1:20-22; Isaiah 57:21; N̄wed Mbon Rome 5:10, 11.

Uwem Spirit emi asanade onyũ ananade ndo ọkọñọ ke edisọñọ nda ke mbuqtidem, N̄wed Mbon Colossae 2:22-25; John 8:31.

Akwa ndibe-n̄kpọ edi Christ ndiduñ ke idem anditiene-Christ, emi anamde enye ọfọn ama, N̄wed Mbon Colossae 1:26-29.

IV Mfọn-Mma Ke Christ

Anditiene-Christ ọyọhọ ke Christ, edinam-asana anam anditiene-Christ ọfọn ama, N̄wed Mbon Colossae 2:8-11; John 17:17; 1 N̄wed Corinth 1:30; N̄wed Mbon Ephesus 5:26; 2 Timothy 2:21; Mme Hebrew 10:10; 13:12.

Mkpa Christ, edibuk ye eriset Esie edi utom Spirit emi enamde ke idem owo Abasi, N̄wed Mbon Colossae 2:12, 13; N̄wed Mbon Rome 6:3-5.

Nditọ Abasi enyene uwọrọ-ufin ke Christ, N̄wed Mbon Colossae 2:14-19; John 8:36; N̄wed Mbon Ephesus 4:16.

SE EKPEPDE EBAÑĀ

Ufọk-Abasi Ke Colossae

Obio Colossae okoyom usuñ ke n̄kpọ nte itiat 100 ọkpọñ obio Ephesus. Okposuk edi nte Paul ama akasañā ebe ke mme ediwak obio emi, iduhe ke n̄wed esie nte enye asiande nnen-nnen ete ke imọ ima idu ke obio Colossae. Ke ekotde N̄wed Mbon Colossae 2:1, aka nditie nte enye ikoduhe do, koro enye ewet abañā udọñ emi enye enyenede ọnọ mmọ emi mkekwe enye iso ye iso. Edi akpanikọ nditiñ ete okoto ke utom ukwọrọ ikọ Paul ke Ephesus, ikọ Abasi asuana akanare mme n̄kan n̄kuk obio oro; ke n̄wed emi enye asiak mme ufọk-Abasi ke Laodicea ye Hierapolis emi ekedide mme obio emi ekekande obio Colossae ekuk.

Philemon ekedi kiet ke otu nti mme ada-usuñ Colossae, ndien ekeme ndidi ufok-Abasi okodu ke ufok esie (Philemon 2:7). Ke ini Paul okodude ke ufok-ñkpokobi, Onesimus, emi okotode Colossae, ama akabare esit etiene Christ. Owo emi ekedi eyen ufok Philemon emi ekefehede okpofon ete-ufok esie, ndien Paul ama onon enye afiak etiene Philemon oyun onon nwed emi otukde esit, emi efiokde nte Nwede emi Paul ekewetde onon Philemon (Kot Nwede Mbon Colossae 4:9; Philemon 10-12).

Etie nte ada-usuñ efen ke ufok-Abasi Colossae ekedi Epaphras, emi ekedide eti okworo-iko Abasi; (Nwede Mbon Colossae 1:7), emi okonyun obonde okposon akam abana mbon Colossae oto ke ima emi enye ekenyenede onon mmq (Nwede Mbon Colossae 4:12, 13). Ndusuk ini Epaphras akakabare esit ke ini ukworo-iko Paul ke Ephesus. Ke usuñ ekededi, ikedige nte Epaphras akama ikot esie ikpon, enye ama ama Paul nko, onyun asana aka ke Rome ndidu ye enye, ndinam nkpq nno enye, nnyun ntiene mbuana ke nkpokobi esie. Ke ini owo emi ama okono eti mbuk abana mbuotidem, ima, ye idorenyin emi ekedude ke ufok Abasi Colossae, esit Paul ama oyoho ye idara ye ekom (Nwede Mbon Colossae 1:3-5). Sia Paul ekedide Mbet onon mme Idut, enye ama aka iso ndiwet nwede nno esok ufok-Abasi Colossae, okposuk edi nte enye mikekwe mmq iso ye iso.

Eritono Emi Oyohode Ye Idorenyin

Esit Paul, owo-mbet, owo-nkpokobi ama emenere ke ini enye okokopde eti mbuk abana ufok Abasi ke Colossae! Edi Paul, oto ke mbufok emi enye ekenyenede ke utom Abasi ke ediwak isua, ama ofiok ete ke eti eritono ikpon ikekemke. Enye ama ofiok ete ke ediwak idomo, ukobo ye mme afanikofon eyoho ye mme ekon ke nkan Spirit emi edude ke iso, emi anade ebet ufok Abasi emi otonde obufa ke ini iso. Paul okoyom, onyun obon akam ete mmq ekpeyoho ye ifiok uduak Esie ke kpukpru eti ibuo ye mbufok ke nkan Spirit; ete mmq “esana ke ido nte odotde Obon, enem Enye esit ke kpukpru usuñ, enyun enwum mfri ke edinam kpukpru nti utom, enyun ekori ke ifiok Abasi: Abasi akpakam onyun ada kpukpru odudu Esie osono mbufo idem, nte asanade ekekem ye ukeme ubon Esie, man mbufo ekeme ndibiom kpukpru nkpq, nnyun mme anyan ime ye idaresit.”

Akwa udon esit Paul ama oyom nte mmq ekpekade iso ekori ke mfon Abasi ye ke nti edinam. Enye ama enyene ekikere nte mmq eyire ke mbuotidem, enyene iwuk enyun eson eda man ke akpatre enam mmq edi “edisana owo emi enanade ndo, emi owo minyun ikemeke nditin nkpq ndian,” eda onim ke iso Christ.

Ndinyene Ntoton Ifiok Christ

Mbon Colossae ema enyene ifiok akpaniko nte edide ke Jesus, edi odu mme ukon, utono, uniof on ye ubom ke ifiok anditiene-Christ emi owo mikemeke ndinyene ini kiet. Andikpon nkan ke otu ndisana ikot Abasi itreke ndika iso ke ukpep-nkpq. Kpukpru mme anditiene-Christ enyene ndidian ke ifiok mmq nnyun nnwana ndidunore mme ntoton ndibe nkpq Abasi ye mfon Esie.

Kiet ke otu mme akpan ndibe nkpq ke Eti-mbuk edi ke Jesus ekeme ndidu ke obuk idem mi ke ererimbot ndien osuk edi kiet ke otu mbuo Abasi, akwa Abasi Ita ke kiet. Philip okodoho Jesus ete, “Obon, wut nnyin Ete, ndien oro eyesuk nnyin esit.” Jesus ete enye, “Nte mmodu ye mbufo adana anyan ini emi, ndien udiokke Mi, Philip? Owo eke okokutde Mi okokut Ete” (John 14:8, 9). Paul okodoho ete ke Jesus edi mbiet Abasi emi owo mikwe ke enyin. Enye enyene kpukpru ukpono, odudu, ye uduot Abasi.

Etin kpukpru utom obot edian Jesus ukem nte etinde edian Abasi. John okodoho ete, “Oto ke enye ekenam kpukpru nkpq; ndien mitoho ke Enye, inamke nkpq baba kiet eke ekenamde.” Paul, owo-mbet ke nda-usuñ Edisana Spirit, etin ete kpukpru nkpq ke enyofon ye ke isofon, se enyin owo okutde ye se enyin owo mikwe, ekenam eto ke uyo edisana Abasi. Nnyin ikwe nkpq ndomo kiet mi, emi etinde ebanu ukpep-nkpq emi mme owo ekpepde ke abana nte owo okotonde okonyun okoride. Mbuk emi etinde ete ke ererimbot emi okworo ada nsit-nsit ke mme ediwak isua, anana mme mbuo eke edade esono. Ekpuhore mbuk emi ke ini ke ini oto ke mme obufa nkpq emi mbon nta-ifiok eduonrede ekut, edi ikot Abasi osuk osono ada, ikpuhokere toto ke eritono. Mme nkpq emi mbon nta-ifiok eduonrede ekut inamke ikot Abasi okpuhore. Ke akpaniko se mmq eduonrede ekut akam ososono Edisana Nwede Abasi, onyun osono nko ete ke “Mme owo etin ikot eke otode Abasi, nte Edisana Spirit esinde mmq etin” (2 Peter 1:21).

Paul ọdọhọ ete, akwa Andibot edi ibuoṭ ọnọ idem, oro edi Ufọk Abasi ikpọnke itie emi inọ angel, ke akpanikọ idighe eke owo obukidem, mmọ ete Enye okobotde, edi enyene Andibot, idighe koro Enye edide Andibot ikpọn, edi koro Enye edide Andifak. Enye Andibot, “ada mbiet ofin, owut idem nte owo; ndien sia Enye ọwọrọde edi ke ido owo, Enye ọsuhọre idem, akabare osuk ibuoṭ tutu ọsuñọ ke mkpa, kpa mkpa cross” (Nwede Mbon Philippi 2:6-8). Kpukpru emi ekedi man Enye akpafak mme ukpọn emi esopde onyuu efem mme idiok-nkpọ uduot owo, ke ndinam emem oto ke ndinyime kpukpru nkpọ edoro Enye ke idem! Utibe erinyaña emi edi ata ndedibe nkpọ, ndien Paul ọkọdọhọ mbon Colossae ete ke ndedibe nkpọ emi edi “Christ ke odudu ke esit mbufo nte idorenyin ubọn.”

Edinam-asana

Paul ekewet ọnọ mbon Colossae; “Ke Enye ke ekenyuu enim mbufo mbobi eke midaha ubọk owo inim, kpa mbobi eke edide erisio idiok uduon obukidem mfep, kpa mbobi eke Christ onimde.” Paul akadaresit adaña didie ndifiok ete ke ema ekpep mbon Colossae edinam-asana, ke edina mbobi ke esit odu emi owuberede oruu ye uduot idiok-nkpọ. Paul ikodomoke ndifiak nda mmọ nsin ke idak Ibet ke ini enye eketinde abaña edina mbobi (emi ekedi edinam kiet ke idak ibet, emi okowutde edinam-asana), edi enye eketin abaña edina mbobi emi midaha ubọk owo inim, edi edina mbobi ke esit emi Christ onimde. Christ ama edi, ama onyuu anam kpukpru Ibet ye mme mbukpọn nkpọ emi ekesañade ye Ibet eworo esu.

Jesus akakpa ke ntak mme idiok-nkpọ mmọ, ema ebuk Enye, ndien ama onyuu afiak eset, man anyaña mmọ, ndien ke ndiwut emi, mmọ ekenu uduok-mmọn, ke mkpa Esie. (Kot Nwede Mbon Rome 6:3, 4). Ema enọ mbon Colossae item ete mmọ ekudu ke idak ufin, ekunyuun eyak ekpe ikpe ye mmọ ke abaña udu mme edinwuon nkpọ, mme edinim edisana usen, mme Sabbath, mme usoro obufa ofion. Ediwak mbet emi, edi akpanikọ ete Abasi okoro, edi ama enyene udomo ini emi ekenimde emi efiokde nte ini utom Ibet; ndien Ibet ekedi akamba andikpep ndida mmọ nsok Christ. Ntre ke Paul okodohọ ete ke Ibet ekedi mbukpọn nkpọ emi edidide, edi idem (emi mbukpọn otode ọworo) edi Christ emi akanamde kpukpru ibet eworo esu.

Ema enọ mbon Colossae item ebaña nkpọ-ndik emi okodude ke edinam mme Jew emi ekeyomde nditonọ ntak nda mmọ nduk ke idak Ibet. Paul ama afiak ọnọ mmọ item abaña mmọ emi ekeyomde ndida “ifiok owo ye ikpikpu abiaña” mfiak nduri mmọ nsin ke ererimbot. Edi sia mmọ ema ekemana eduk ke ubon Abasi, enam mmọ enyene ebuana ye Christ, akwa Andibot ye Andifak, mmọ ekabare akamba mbak Idem Christ, ediana ọto kiet ke mbuotidem ye emem. Odudu ndomo kiet iduhe ke ison me ke hell ndibiat utọ utibe edidiana-kiet emi; edi akwa akani Mbet emi ama ofiok ete enyene owo kiet-kiet ndimek me enye eyesuk aka iso ke mbuotidem. Sia mmọ ekemede ndimek se mmọ emade, mmọ ekeme ndisio idem mmọ mfep ke ubok Obon enyuu etaba ediwak mfon emi edude ke Eti-mbuk Jesus Christ. Edi edieke mmọ enamde akpanikọ, emumde mbuotidem mmọ ye iwuk mmọ ekama tutu osim utit, eyeforo enyuu ekori ke Abasi adaña nte mmọ etimde efiok Abasi, ndien ke akpatre mmọ eyekabare enyene ebuana ke obio unwana enyuu edu ke akwa idaresit ke Heaven ke nsinsi nsinsi.

MME MBUME

- 1 Nso ikonuk Paul ewet nwede ọnọ Mbon Colossae emi akananam enye mkekwe?
- 2 Paul ada Christ odomo ye Abasi; tin edida ndomo emi anwana.
- 3 Akpa ufan nwede ke Edisana Nwede Abasi etin ete, “ke eritonọ Abasi okobot enyoun ye ison.” Esaña didie ndien ekot Jesus ete Andibot kpukpru nkpọ?
- 4 Nso idi ntak emi ekpekotde Christ ete Ibuot ufok Abasi?
- 5 Tin anwana nte nnyin isañade ifiok ite ke ema ekpep mbon Colossae ebaña edinam-asana ye uduok mmọn.
- 6 Nso ata ndedibe ifiok ke Paul eketin ikọ abaña?
- 7 Nso ikedi ata akpan utit emi Paul okoyomde mbon Colossae ye kpukpru owo esim?